

## БӨЛІМ: ЖАЛПЫ РУБРИКА

**«1- мамыр - Бірлік күні» тақырыптық  
ұйымдастырылған оқу - қызметі**ЖАРИЯЛАНДЫ  
02.06.2026СІЛТЕМЕ  
<https://bilimger.kz/189084/>**Орынбасарова Жұлдыз Сисенгалиқызы**

Жанель жекеменшік балабақшасы

**Тақырыбы:** Береке - бірлікте, ырыс - ынтымақта**Мақсаты:** Балалардың **бірлік**, ынтымақтастық туралы түсініктерін кеңейтіп, көп ұлтты халқымыздың тыныштығы мен бірлігін нығайтуға ат салысатын азамат болуға тәрбиелеу.**Көрнекіліктер:** Ұрандар, қима көгершіндер, шарлар, гүлдер, ұлттық костюмдер.

(Ән ұран орындалады.)

Жүргізуші:

Бірлік пен ынтымағы халықтың —

Көгімізде жарасқан жарық күн!

Ырыс, дәулет бақыты үшін халықтың,

Жайнай берсін, жайнай берсін алтын күн!

— дей келе Қазақстан халқының бірлігіне арналған «Береке-**бірлікте**, ырыс-ынтымақта» атты мерекемізді тамашалауға шақырамыз.

Жүргізуші:

Бұл мереке бұрын бүкіләлемдік «Еңбекшілер күні» болып тойланды.

Қазір ол «Дүниежүзілік ынтымақтастық күні» болып есептеледі.

(«Елім менің» атты ән орындалады)

Оқушылар әр ұлттың киімдерін киіп, шеруге шығады. (Монтаж)

1-оқушы:

Жан біткендей жас тауға,

Шуақ ойнап арайлы.

Күн күлімдеп аспанда,

**Мамыр** өні тарайды.

Жайдары жаз түрге еніп,

Жадыратты жанымды.

Жер-дүние тербеліп,  
Дала, қала құлпырды.

2-оқушы:

Болсын жер мен су да ортақ.

Болсын біздің ту да ортақ.

Ақпыз, қара, сарымыз,  
Ағайынбыз бәріміз.

3-оқушы:

Сары, ақпыз, қарамыз,

Бәрімізде баламыз.

Біз Отанда тұрамыз,

Біз мектепке барамыз.

4-оқушы:

Алтай, Кавказ ұласып,

Бауырайы кең жатыр.

Бақытты әні асқақтап,

Құлаққа даусы кеп жатыр.

5-оқушы:

Қырғыз, қазақ, өзбектер,

Моңғол, ұйғыр, дүнгендер,

Армян, тәжік, грузин,

Орыс пенен украин,

Терезесі тең жатыр.

6-оқушы:

Енді бүгін қарасам,

Айналам бақыт кең жатыр.

Бірімен-бірі туысқан,

Қол ұстасқан ел жатыр.

7-оқушы:

Достығымыз жарасқан,

Ақпыз, қара, сарымыз.

Қара жер мен көк аспан,

Ортақ дала тауымыз.

8-оқушы:

Ортақ жұтар ауамыз,

Ортақ жарық күніміз.

Достық туған анамыз,

Жердің қызы, ұлымыз.

Хормен:

Отан ортақ,  
Жер ортақ,  
Еңбекпен қостық тағдырды.

9-оқушы:

Алтын бесік-ағайын, жұрт туғаным,  
Дос байыса қыза түсер думаның.  
Барлық ұлттың өкілдері жарасып,  
Асырайық іс-жүзінде Тіл заңын.

10-оқушы:

Қазақ елі-қашаннан да жыр елі,  
Тарихында тұлғалар көп киелі.  
Қазақстан аясында бұрыннан,  
Бірнеше ұлт өмір сүреді.

11-оқушы:

Бір-бірімен тату тәтті тұрады,  
Бәрінің де Қазақстан — тұрағы.  
Туған жерге тебіренген сәттерде.  
Ағаларды өлең-жырдың бұлағы.

12-оқушы:

Бойымызда әлі бұлақ жатыр бұрқырап,  
Сол бұлақтан сыр ағыздым жыр құрап.  
Тілейтінім барша ұлтқа бір ғана  
Ырыс, бақыт, татулық пен ынтымақ!  
(Орыс биі)

Жүргізуші:

Отаным ордасы ғой игіліктің,  
Көңіліне күн орнатқан күлкі жұрттың.  
Шаңырағы кң биіктен Отанымның,  
Баянды бағы өрлеген әрбір ұлттың!  
-демекші біздің Республикамызда әр ұлттың өкілдері тұрады.

Жүргізуші:

Ел тарихы, жер тарихы өзіміз,  
Болашақтың қасиетті көзіміз.  
Барлық ұлтпен бауыласып жетерміз,  
Ақ-қараны тіліп тұрса сөзіміз.  
— дегендей XXI ғасырда Қазақстанда бейбітшілік, тыныштық болып, еліміздің егемендігі  
ұзағынан болсын деп тілейміз.

**(Ән «Атамекен»)**

**Жүргізуші:**

Міне, осындай кең байтақ Республикамыздың егінді даласы, күмісін шашқан көлдері,

кенге байтақ өңірі, малға толы өрісі, Қазақстан Республикасының болашақ ұрпағы, келешек азаматтары, сендерге өсиет болып қалады. Елбасының «Қазақстан-2030» бағдарламасында:

«Қазақстан келешекте дамыған мемлекеттердің біріне айналуы үшін мұнда тұратын барлық халықтар өзара достығы мен бірлігін нығайтып, сапалы білім, саналы тәрбие алуға құлшына алу керек» делінген.

Би.

**Жүргізуші:**

**Мамыр** қандай, шіркін-ай, **мамыр** қандай!

Айнала жасыл кілем жамылған жай.

Алатауым басына ақ шәлі орап,

Мойнына гүлден алқа тағылғандай.

**Мамыр** қандай, шіркін-ай құлпырады.

Күй толқын көңіліне жыр тұнады.

Жыл еркесі гүл **мамыр**, сұлу **мамыр**,

Секілді адамзаттың ынтымағы.

Өлең.

Жүргізуші:

Егемен ел болдық, қаһарман ерлікпен.

Бағымыз жанады, бауырмал елдіктен.

Қазақтың мерейі жұлдыздай жоғары,

Мәңгілік жасаймыз **бірлік**пен, ерлікпен.

Халқымыздың қанға сіңген осы берік бірлігі, ұйымшылдығы, басқа халықтармен одақтасып, достаса білуі жеңістен жеңіске жеткізеді.

**Би.**

Жүргізуші:

Бірлік — халық салты. «Халқымыздың **бірлік** салты отбасынан басталып, бүкіл елдің, барлық адам баласының бірлігімен ұласады».

Бейбітшілік құсы, ақ көгершін,

Биік ұшып самғасын.

Тілегімізді жерге жайсын,

Қанаттары талмасын.

Ән.

Қағаздан жасалған ақ көгершіндерді биікке шарға байлап ұшыру. Барлық қатысушылар бірге шығып, көрермендермен қоштасады.

Жүргізуші:

Осымен мерекелік кешімізді аяқтаймыз. Көріп тамашалағандарыңызға көп рахмет.

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.